

Grad Novi Pazar
Skupština grada
Odbornička grupa SDA Sandžaka
Novi Pazar
13. juni 2022. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG RJEŠENJA O RAZRJEŠENJU PREDSJEDNIKA I ČLANOVA NADZORNOG ODBORA JKP „GRADSKA TOPLANA“ NOVI PAZAR**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja će se održati 14. juna 2022. godine.

Ovlašteni predstavnik Odborničke grupe SDA Sandžaka po ovoj tački dnevnog reda je zamjenik predsjednika odborničke grupe mr. **Emir Aščerić**.

Predsjednik odborničke grupe
Ahmedin Škrijelj

PRIJEDLOG

Na osnovu člana 21. Zakona o javnim preduzećima („Sl. glasnik RS“, br. 15/2016 i 88/2019), člana 32. stav 1. tačka 9. Zakona o lokalnoj samoupravi („Sl. glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 46. stav 1. tačka 19. Statuta Grada Novog Pazara („Službeni list Grada Novog Pazara“ br. 6/19), člana 137. Poslovnika Skupštine Grada Novog Pazara („Službeni list Grada Novog Pazara“, br. 6/19), Skupština grada Novog Pazara na sjednici održanoj 14. juna 2022. godine donosi

RJEŠENJE O RAZRJEŠENJU PREDSJEDNIKA I ČLANOVA NADZORNOG ODBORA JKP „GRADSKA TOPLANA“ NOVI PAZAR

I

Razrješava se Nadzorni odbor JKP „Gradska toplana“ Novi Pazar i to:

1. Eldin Mašović – predsjednik
2. Ljiljana Jovanović – član,
3. Suad Suljković – predstavnik iz reda zaposlenih.

II

Ovo Rješenje stupa na snagu danom donošenja a objaviće se u „Službenom listu Grada Novog Pazara“.

Obrazloženje

Pravni osnov za donošenje ovog Rješenja sadržan je u odredbama člana 21. Zakona o javnim preduzećima („Sl. glasnik RS“, br. 15/2016 i 88/2019), člana 32. stav 1. tačka 9. Zakona o lokalnoj samoupravi br. 129/2007, 83/2014 - dr. zakon, 101/2016 - dr. zakon, 47/2018 i 111/2021 - dr. zakon), člana 46. stav 1. tačka 19. Statuta Grada Novog Pazara („Službeni list Grada Novog Pazara“ br. 6/19), člana 137. Poslovnika Skupštine Grada Novog Pazara („Službeni list Grada Novog Pazara“, br. 6/19).

Članom 21. stav 2. tačka 2. Zakona o javnim preduzećima propisano je da se Predsjednik i članovi nadzornog odbora razrešavaju prije isteka perioda na koji su imenovani, ukoliko „nadzorni odbor propusti da preduzme neophodne mjere pred nadležnim organima u slučaju postojanja osnovane sumnje da odgovorno lice javnog preduzeća djeluje na štetu javnog preduzeća nesavjesnim ponašanjem ili na drugi način“.

S obzirom da je Vršilac dužnosti direktora JKP „Gradska toplana“ Novi Pazar Nemanja Mančić, imenovan Rješenjem od 8.11.2021. godine, zbog nestručnog, nesavjesnog obavljanja dužnosti i postupanja suprotnog pažnji dobrog privrednika i propusta u donošenju i izvršavanju odluka i organizovanju poslova, djelovao na štetu javnog preduzeća, a Nadzorni odbor nije preduzeo nikakve neophodne mjere, razrješavaju se Predsjednik i članovi Nadzornog odbora JKP „Gradska toplana“ Novi Pazar.

Na osnovu svega gore navedenog Skupština grada Novog Pazara je donijela Rješenje kao u dispozitivu.

UPUTSTVO O PRAVNOM SREDSTVU: Protiv ovog Rješenja može se pokrenuti upravni spor pred Upravnim sudom u Beogradu u roku od 30 dana od dana prijema Rješenja.

SKUPŠTINA GRADA NOVOG PAZARA

Broj:

U Novom Pazaru, 14. juna 2021. godine

PREDSJEDNICA
Dr. Anela Šemsović